

漁洋精華錄箋註

漁洋精華錄箋註

漁洋山人精華錄箋注卷第八

中吳金榮林始箋注

徐淮岱陽纂輯

戊午

漁洋續集

孝昭皇后輓詞六首應

制

孝昭仁皇后二月二十六日崩

金祀流塵掩

〔三輔黃圖〕明光殿金玉珠璣為簾箔金祀玉階晝夜光明〔張衡西京賦〕金祀玉階

瑤齋寶幄

空

〔宋〕孝武賦闕瑤光之密陸張華晉武皇后哀冊瑤齋元主

禁花零曉露苑柳泣春風思媚

傳千古

〔詩〕大雅思媚周姜京室之婦

深恩徧六宮唯留歌詠在應與二

南同

上壽

慈寧日

〔表〕駉楓窗小牘皇太后宮殿名慈寧

人知內則賢徽音殊未

遠

〔詩〕大雅太如嗣徽音

文母至今憐淚濺鶯花色神傷被襖天

淒涼餘故館猶近濯龍前

後漢書馬后紀帝幸濯龍中續漢志濯龍園名也近北宮

祕殿傳金策神人覆玉衣

列子日獻玉衣旦進玉食王沈魏書甄后光和五年十二月丁酉生每寢

寐髮拂見有人持玉衣覆其上者共怪之

四星初應曜

史記天官書後句四星末大星為正妃餘三星後宮之屬也索隱曰援神契云

長極橫后妃四星從端大妃光明

一鑑忽藏輝

吳均西京雜記宣帝帶史良娣合綵婉轉絲繩係身毒寶鏡一枚及即大位每

持此鏡感喟移辰及宣帝崩不知所在

脫珥言猶在

劉向列女傳周宣王常夜卧晏起姜后乃脫簪珥待罪

乘雲馭

不歸

皇情宵旰切永巷漏依稀

張守節史記正義宮中有長巷故名焉後改名掖庭

萬乘親臨送容車出國門

周禮容輶必直鄭注容者治輶為之形容也玉沈魏書郭后哀策悲容車之向

路羽儀辭禁掖笳鼓望陵園素旄浮雲慘青山落日

昏臣民同雨泣哀動鳳皇原

先生回中詩序仁孝孝昭兩皇后變于昌瑞山萬乘臨送

西汜沈寒月

淮南子曰出扶桑入于濛汜楚詞天閭出自湯谷次于濛汜謝瞻詩扶光迫西汜

中天澹夕陽

愁雲低壠樹春禁罷公桑

周禮天子諸侯必有公桑蠶室后妃齋戒享先蠶而躬桑以勸蠶事禮月令季



春之月具曲植蘆篁后妃齋戒親東鄉躬桑禁婦女母觀省婦使以勸蠶事  
**楚輓蘭風寂**  
謝莊宋貴妃誄  
窮桑禁婦女母觀省婦使以勸蠶事

**歌薤露長**  
霍豹古人生薤露蒿里送葬歌也出自日積月累人言人命如薤上露易稀滅左傳哀十一年公孫夏命其徒歌虞殯杜預曰送

**歌通靈應有夢**  
王褒雲陽記鉤弋夫人從至甘泉而卒既殯尸香聞十里帝哀悼乃起通靈臺于甘泉宮有一青鳥集其上往

**來可到 紫宸傍**  
徐夔注晉書后妃傳序作配皇極體齊紫宸

**渺渺沙河道淒淒玉輦空綺疏扃夜月**  
後漢書梁冀傳窗牖皆有綺疏青瑣

**李賢曰綺疏謂鏤為綺文**  
孫綽游天台賦炯晃于綺疏  
**總帳肅靈風**  
鄭玄禮記注凡布細而疏者謂之總謝朓詩總帷飄井幹  
**故**

**劍 皇心切**  
自注謂仁孝皇后  
**祠官禮數同榮名綸綍貴**  
禮緇衣王言如絲其出如綸王言如綸其出如綍  
**早貴**

**皇仔為 祠官禮數同榮名綸綍貴**  
禮緇衣王言如絲其出如綸王言如綸其出如綍  
**早貴**

**九原中**  
康熙十七年三月日以冊寶謚曰孝昭

**蟬**

**雙樹有鳴蜩孤情伴寂寥自緣飽風露不肯逐金貂**

應劭漢書侍中周官也金蟬有貂又漢官儀侍中左蟬右貂驛路關門雨斜陽浦岸潮年年

行役處為爾幾魂消

### 蘇門三賢詩

張于度

蘇門孫徵君曰于度為鹿伯順高弟從予五十年未

嘗或離左魏之難履虎尾涉春冰書君牙若蹈虎尾涉于春冰烈士之

名滿天下卒歸老蘇門高蹈遠隱志士不忘溝壑其

庶幾乎于度名果中容城人葬夏峯北原

明運昔中圯奄豎奸大位衣冠虛南牙政柄歸北寺

唐書分宰相為南司故稱南牙寺官為北司故稱北寺誰實鉤黨魁嶽嶽左與魏朱彛尊明詩綜小序

左光斗字共之桐城人萬曆丁未進士終石食都御史凡當過贈太子太保右副都御史謚忠毅魏大中字孔時嘉善人萬曆丙辰進士官吏科給事中死

禍贈太常卿謚忠節汪芳恭十三君子詩序阮大鍼投身逆奄嗾刑科傳檄借汪文言劾忠毅并及魏忠節奄矯旨下文言獄是時楊忠烈已具疏抨奄忠毅復具專疏繼其後逆奄與其黨恨甚大鍼復簧鼓其間必欲殺此三人值會推矯旨削職封疆獄起緹騎至對簿坐職旋斃于獄又忠烈劾奄章上忠節復抗疏極論請立斬忠賢驅除客氏會晉撫缺奄黨摘此攻忠節降調與楊左同出國門乙丑大獄起逮入詔獄受酷刑坐賊死獄中按封疆大獄謂熊襄愍也

一朝檻車徵牢戶事陰秘

後漢書耿恭傳論終填牢戶

傷哉史弼言茶

甘乃如薺

後漢書史弼傳弼出爲平原相詔書下舉鉤黨弼獨無所上前後切却弼曰先王疆理天下畫界分境水土異齊風俗不同他

郡自有平原獨無遷河東太守常侍侯覽求假鹽稅弼大怒覽飛章下司隸前孝廉裴瑜送到峭澠之間大言于道旁曰願不憂不懼弼曰誰謂荼苦其甘如

薺容城有布衣發憤亡鯁避要鎖理太尉

後漢書李固傳冲帝即位以固

爲太尉餘注見下

舉幡訟司隸

漢書鮑宣傳宣下廷尉獄王咸舉幡太學下曰欲救鮑司隸者會此下諸生會者千餘人遮丞

相孔光車不得行宣減死一等後漢書虞詡傳永建元年虞詡代陳禪爲司隸校尉中常侍張防特用權勢詡不勝其憤乃自繫廷尉奏言書奏防必欲害之二日之中傳考四獄詡子顗與門生百餘人舉幡候中常侍高梵車訴言枉狀貫械渤海生

後漢書李固傳梁冀誣固與文鮪共

爲妖言下獄門生渤海王調貫械上書證固之枉河內趙承等數十人亦要鈇鎖詣闕通訴太后明之乃赦焉

赤憤夏門吏

後漢

書杜喬傳陳留陽庄號泣星行到洛陽著故赤幘託為夏門亭吏守衛尸喪積  
十二日都官從事執之以聞太后義而不罪于是帶鉢鎖詣闕上書并乞李杜  
二公骸骨太后許之成禮殯殮送喬喪還家葬桑海四十年往事如夢寐骨歸蘇門

山名在顧廚次

後漢書黨錮傳序郭林宗慈巴肅夏馥范滂尹勲蔡衍  
羊陟為八顧顧者言能以德行引人者也度尚張邈王

考劉儒胡毋班秦周蕃嚮王章為  
八廚廚者言能以財救人者也

### 理寒石

本李姓也名啗和西華人耻與逆闖同姓改曰理孫

徵君與西華左令書稱為魯連後一人

理前明  
孝廉

魯連蹈東海其志耻帝秦

史記魯仲連列傳彼即肆然為帝連  
有蹈東海而死耳不忍為之民也

龔生天天年

漢書兩龔傳龔勝字君賓王莽秉政乞骸骨歸鄉里莽復  
遣使者奉璽書太子師友祭酒印綬安車駟馬迎勝謂門

人高暉曰吾受漢家厚恩無以報豈以一身事二姓哉語畢遂不復開口飲食  
積十四日死時七十九矣有老父來弔哭甚哀既而曰嗟乎薰以香自燒膏以  
明自銷龔生竟天  
天年非吾徒也

詎知有美新

楊雄著劇  
秦美新

陶公懷晉室聊存



頭上巾

南史隱逸傳郡將侯潛逢其酒熟取頭上葛巾漉酒畢還復著之陶潛詩空負頭上巾

嗟哉均垧流

司馬光資治通鑑陳希烈以晚節失恩怨上與張均張垧等皆降于賊祿山以希烈垧為相通鑑考異太上皇謂肅宗曰張均弟兄皆與逆賊作權要官就中

張均更與賊毀阿奴三哥家事大疑不若也其罪無赦張垧宜長流遠惡處張均宜棄市肅宗掩泣奉命

乃愧青巖甄

新唐書卓行傳

甄濟字孟成好學居青巖山天寶十載以左拾遺召未至安祿山求濟于玄宗授范陽掌書記不得已為起察祿山有反謀歸舊廬祿山反使蔡希德封刀名

之濟引頸待之希德嗟歎止刀

西華理寒石為儒甘賤貧奉母蓬藿中歸

潔恐辱身梟鏡交蹄跡

自注破鏡與鏡同按漢書郊祀志祠黃帝用一梟破鏡孟康曰梟鳥名食母破鏡獸

名食父

神州日沈淪

史記孟子列傳中國名曰赤縣神州河圖括地象昆侖謂東南地方五千里名曰神州帝王居之

靈

氛久上天

楚辭離騷命靈氛為余占之

呼號竟無因感激變姓名下士

良苦辛何人傳節義誦言聊一申

餓夫

彭姓字了凡蠡縣人遭闖亂棄諸生客饒陽為鄉塾



師已而從孫徵君于蘇門或授之粟不受竟坐死嘯

臺之旁徵君題曰餓夫墓

彭名之燦

黔敖呼餓人不受嗟來食

禮檀弓齊大饑黔敖為食于路有餓者質貿然來黔敖左奉食右執飲曰嗟來

食揚其目而視之曰子惟不食嗟來之食以至于斯也

使之當大事必讓千乘國靈輒餓

翳桑倒戟一何力

左傳宣二年宣子舍于翳桑見靈輒餓食之舍其半問之宣三年矣未知母之存否今近焉請以遺

之使盡之而為之簞食與肉真諸索以與之既而與為公介倒戟禦公徒而免之

簞食不忘報竟脫宮甲

逼

公羊傳宣六年宮中甲鼓而起有起于甲中者抱盾而乘之

蘇門有餓夫風節夙所植生

餓蘇門下死葬蘇門側嘯臺高峨峨

明一統志嘯臺在百門山上即孫登隱居長嘯

之百泉流湜湜

百泉注見卷六新鄉望蘇門山詩詩衛風湜湜其沚

清風一相映水石

起寒色遐哉首陽薇

注見卷五首陽山詩

千古長太息

為尤展成悼亡二首

自注時予喪張宜人三載矣

三年明月鑒虛帷阮籍詩薄帷鑒明月那更吟君惆悵詩不分阿

灰腸斷句黃昏微雨畫簾垂沈際飛草堂詩餘箋張禕侍郎有愛姬早逝猶子曙思增其悲爲詞

置几上禕朝回見之不覺哀慟曰此必阿灰所作朱彝尊詞綜箋張曙小字阿灰工詞作浣溪沙云黃昏微雨畫簾垂

金昌亭下柳珍珍范大成吳郡志金昌亭在閬門長記烏啼送曉驂風景

不殊人不見謝家飛絮滿江南晉書列女傳王凝之妻謝道韞將軍弈之女也嘗內集俄而雪

驟下叔父安曰何所似也安兄子朗曰撒鹽空中差可擬道韞曰未若柳絮因風起

陳其年索詩送王生之襄陽明一統志三國魏始置襄陽郡

試說襄陽好曾遊路不迷江帆過峴首注見卷四水竹

繞檀溪明一統志檀溪在襄陽府西四里市上江陵估機中竇氏妻注見卷六襄陽

口不知征戍後誰唱白銅鞮隋書音樂志梁武帝之在雍鎮有童謠云襄陽白銅蹄反縛揚州兒

識者言白銅蹄謂金蹄爲馬也白金色也及義師之興實以鐵騎揚州之士皆面縛果如謠言故即位之後更造新聲帝自爲之詞三曲又令沈約爲三

曲以被絃管釋智匠古今樂錄裏  
陽蹋銅蹄者梁武西下所製也

### 送陳子文赴安邑丞四首

先生分甘餘話門人陳子文奕禧號香泉海寧望族

以詩歌書法著名康熙庚辰以戶部郎中分司大通橋甲申出知石阡府戊子補任南安按此赴安邑丞當是牽絲之始也明

一統志安邑縣在解州城

五十里禹營安邑即此

我愛田子方同時段干木高義動諸侯清風激頽俗

史記魏世家李克謂翟璜曰魏成子東得卜子夏田子方段干木此三人者君皆師之乎子惡得與魏成子比也

聞鐘知左高

佳言足三復

戰國策魏文侯與田子方飲酒而稱樂文侯曰鐘聲不比乎左高田子方笑文侯曰奚笑子方曰君明則樂官不明

則樂音今君審于聲臣恐君之聾于官也

下車或式閭

蘇轍古史文侯受業卜子夏田子方段干木過其閭必式

寧浼踞

堂辱斯人邈已遠餘韻留鄉曲賢哉魏成子千秋擅

遐躅

峨峨中條山

注見卷五望中條山詩

迢迢涑川汜

酈道元水經注涑水出河北縣雷首山縣與蒲阪分

左傳謂之涑川者也

人物表西河流風至今美陳侯東海來高文

一何綺閭闔籥浮雲

注見卷一傳侯天馬歌

實絕致千里自抱萬古

心五斗焉足耻

晉書隱逸傳潛爲彭澤令郡遣督郵至縣吏白應束帶見之潛歎曰吾不能爲五斗米折腰

漚沱

冰上渡

注見卷一苦寒行

故關雪中啓

注見卷五兩中度故關詩

懷古多遠情到

官正春水目送中條雲松風滌雙耳

騏驥服鹽車躑躅上虞坂

鄭道元水經注虞城北對長坂二十許里謂之虞坂戴延之曰自上及下七山

相重戰國策昔騏驥駕鹽車上于虞坂遷延負轅而不能進蓋其困處也

山石何礪聲日暮途且遠

道逢紵衣惠

左傳襄二十九年公子札聘于鄭見子產與之縞帶子產獻紵衣焉

未敢悲晼晚

楚詞

宋玉九辨白日晼晚其將入兮

仰首奮長鳴市日思一展譬彼軼世士遭

時未離蹇

易說卦蹇者難也

君過虞坂上懷古向陵緬

國語緬然引領南望

韋昭曰緬思也

古之賢達人澄懷善舒卷



祿祿沅湘流

注見卷三楚詞圖四歌

香草目以蘭鬱鬱徂松

詩魯頌徂徠之

松

百尺凌歲寒君子重結交貞固期不刊解巾二十

載閱世如波瀾苑枯旣以移素心良獨難喬木隱窮

巷饑禽噪檐間君偕辛齋叟時時造門端告我瀉汭

行

廣輿記瀉汭水在蒲州即堯釐降二女處

能不傷肺肝保此金石心在遠義亦

安不見蕭長倩錄錄曾抱關

漢書蕭望之傳望之字長倩丙吉薦儒生王仲翁與望之等召見三

歲間仲翁至光祿大夫給事中望之以射策甲科為郎署小花東門候仲翁出入從倉頭廬兒下車趨門傳呼甚寵顧謂望之曰不肯錄錄反抱關為

藝圃雜詠十二首

自注為萊陽姜學在賦汪琬姜氏藝圃記藝圃者萊陽姜貞毅先生之僑寓

也吾吳郡治西北隅固商賈闡之區而茲園介于其間特以勝著園之主人亦屢易始則有袁副使繩之次則有文文肅公

今貞毅先生復用先朝名諫官優游卒歲于此

按園在金昌門內寶林寺東學在貞毅仲子也

南村

豈知城市間村路忽超遠曖曖桑柘陰晨光散雞犬

應有素心人空林共偃蹇

陶潛詩曖曖遠人村依依墟里煙犬吠深巷中雞鳴桑樹顛又昔欲居南村非

爲卜其宅聞多素心人樂與數晨夕

### 鶴柴

長身兩君子

杜甫畫鶴詩低昂各有意磊落如長人蘇軾竹鶴詩誰識長身古君子

宛與孤松映

三疊素琴張

黃庭內景經三疊琴心化胎仙注琴和也疊積也和積三丹田如一則如胎息之仙也江淹恨賦素琴晨張季白詩

琴心三疊道初成

一聲遠山靜嘹唳月明時風泉雜清聽

孟浩然詩風泉

滿清聽

### 紅鵝館

疏館籠鶯羣

黃長睿東觀餘論山陰曇壤村養鵝道士謂羲之曰久欲寫河上老子府君若能屈書道德經兩篇便合羣以奉義

之寫畢携鵝去

素羽臨秋水濯濯映鳬翁

注見卷六通州水月菴詩

沿流亂芳芷

乞寫茴香花共入丹青裏

朱彛尊詞自注五代趙才以畫搗得名有茴香下睡鵝圖

### 乳魚亭

幽人知魚樂

莊子秋水篇莊子與惠子游濠梁儵魚出遊莊子曰是魚樂也惠子曰子非魚何以知魚之樂莊子曰子非我何以知我

不知魚之樂

爲復知魚計

莊子徐無鬼篇於魚得計

策策與堂堂

陳善捫蝨新語策齊王曰庾氏之魚名策

策辛氏之魚名堂堂

宛有江湖意時逐落花來更向空明逝

### 香草居

湘君遺遠時汀洲塞杜若

楚詞九歌塞汀洲兮杜若將以遺兮遠者

菲菲來襲

予

楚詞九歌芳菲菲兮襲予

脈脈情相託常恐鷓鴣鳴

注見卷二九日集平山堂詩

芳香

坐搖落

### 朝爽臺

崇臺面吳山山色喜無恙朝爽與夕霏氤氲非一狀

想見拄笏時

注見卷四送周量同梁芝五遊西山詩

心在飛鳥上

### 浴鷗池

海鷗戲春岸

列子海上之人好鷗者每旦之海上從鷗游鷗之至者數百而不止其父曰吾聞鷗鳥從汝游取來玩之明日之海上鷗

舞而不下沈懷遠南越志江鷗若海鷗在漲海中隨潮上下常以三月風至乃還洲渚頗知風雲若羣飛至岸必風渡海者以此為候謝靈運詩海鷗戲春

岸

時下池塘浴何樂從君遊忘機自馴熟不用駭爰

居

莊子達生篇有鳥止于魯郊魯君悅之為具太牢以饗之奏九韶以樂之鳥乃始憂悲眩視不敢飲食國語海鳥曰爰居

朝朝泛

寒綠

### 度香橋

坡塘何逶迤飛虹鏡中起但聞功德香

佛經天仙彼界有池隨月增減其水

有八功德一清二冷三香四柔五甘六淨七不噎八除病

都不辨花水

華嚴經處世界如虛空如蓮花不著水

鼻受

心已著遂契無言旨